

[Augsburg], 26. August 1563

An Johannes Oporinus

UB Basel, Fr. Gr. I 11, fol. 179r.
Steinmann Nr. 756.

S. P. D. Dies hic agitur 25. cum tabellarius nostras ad te abijt cum literis meis et emendationibus Officiorum, et chartis quibusdam, quas, si fieri posset, adiungi vellem. Qui cum non ad me redierit: nescio quid cogitem. Maximè autem me solicitat Bibliotheca tua, de qua sine indice quid agam? Egi deinde cum Cos. Hainzelio de pecuniola tibi suppeditanda et hac ipsa hora eum admonere volui. Sed is in vrbe non est. Si quid obtinere potuero, curabitur summa fide, vt in nondinis accipias. De Suida nihil aliud scribere possum, nisi me semissem absoluisse, et strenue pergere, nec in mora tibi futurum. Petieram etiam, vt omnium lucubrationum mearum (Byzantina historia excepta) exempla si posses mihi mitteres, Veneta etiam Demosthenis et Lutetiana Isocratis addita. Sed video id fieri non posse, ? tertium ea de scribenti nihil respondisti. Valeant igitur illa, modò tu valeas et rem bene geras. Editionis Officiorum his nondinis spem habeo ferè nullam, quod breuitate temporis exclusum esse te existimo. Sed si quid praeter spem accidit: Burtembachio 60 exempla (si graue tibi non est) des velim. Vale et viue καὶ εὖ πράττε Mi D. Oporine, quod ex animo tibi precor. 26 Augusti 1563.

Hiero[nymus] Wolfius
T[uus].